



Bosna i Hercegovina  
Federacija Bosne i Hercegovine  
Tuzlanski kanton  
GRAD GRADAČAC  
telefon: 035/369-750, fax. 035/369-751  
e-mail: [opc.grad@bih.net.ba](mailto:opc.grad@bih.net.ba)

2023

# BUDŽET ZA GRAĐANE



H.K. Gradašćevića 54  
76250 Gradačac

## ***ZAŠTO „BUDŽET ZA GRAĐANE“ ?***

Dragi sugrađani,

Predstavljamo vam "**BUDŽET ZA GRAĐANE**" Grada Gradačac i nadamo se da ćete zahvaljujući ovom dokumentu ubuduće imati jasniji uvid u načinu planiranja, prikupljanja i trošenja budžetskih sredstava.

Osnovna svrha ovog dokumenta je da vam pružimo najvažnije informacije o planiranom budžetu za 2023. godinu kao i o okolnostima i odlukama kojima smo se vodili prilikom njenog sastavljanja.

S obzirom na to da najveći dio novca stiže u budžet kroz naplatu poreza, naša je obaveza da njime raspolažemo u najboljem interesu zajednice i da građanima predstavimo tačne i razumljive podatke.

"**BUDŽET ZA GRAĐANE**" namijenjen je svim građanima koji žele da budu obaviješteni o planovima lokalne samouprave za prikupljanje i trošenje novca i da prate realizaciju postavljenih ciljeva.

Nadamo se da će ovaj dokument predstaviti ključna pitanja i tako učiniti budžet pristupačnijim i razumljivijim.

Očekujem da ćete se i u narednim godinama više uključivati u budžetski proces, što će doprinijeti novom kvalitetu upravljanja lokalnom zajednicom.

GRADONAČELNIK  
mr.sc Dervišagić Edis

# BUDŽET ZA GRAĐANE

## - Šta je budžet?

**Budžet** je dokument koji sadrži pregled planiranih prihoda i rashoda za jednu fiskalnu godinu.

**Plan prihoda** nam govori koliko novca i iz kojih izvora Gradska uprava planira da ga prikupi, dok **rashodi** pokazuju na šta Gradska uprava namjerava da potroši prikupljeni novac. Budžet je ključni instrument pomoću kojeg Gradska uprava provodi svoju politiku u djela. Znači, budžetska sredstva se koriste za finansiranje poslova, odnosno godišnjeg plana aktivnosti/rada Grada Gradačac. Obim i struktura budžeta tokom godine se po potrebi mijenja ili prilagođava potrebama novonastalih situacija u skladu sa važećim propisima. Godišnji budžet je obično veoma kompleksan dokument koji je teško razumljiv velikom dijelu javnosti i upravo zbog toga ovaj dokument treba građanima pomoći da razumiju budžet.

## - Šta je to budžet za građane?

**Budžet za građane** bi zapravo trebao predstavljati neku vrstu pojednostavljenog budžetskog dokumenta čija je osnovna karakteristika da je kreiran tako da bude dostupan i razumljiv velikom dijelu populacije. Budžet za građane najčešće podrazumijeva pojednostavljenu verziju prijedloga budžeta.

Budžet za građane je osmišljen kao praktični vodič koji će Vam olakšati razumijevanje budžeta, te tako ostvariti kvalitetniju i efikasniju komunikaciju građana i predstavnika vlasti.

**Aktivno učestvujte tokom perioda njegove pripreme, te se na vrijeme informišite o procesu predlaganja, usvajanja i kreiranja budžeta Grada Gradačac.**


**Nadamo se da ćemo ovim priručnikom stimulisati građane da se aktivnije uključe u proces donošenja budžeta, odnosno donošenja odluka značajnih za zajednicu u kojoj žive.**

## - Nadležnosti Gradske uprave:

Poslovi Gradske uprave obuhvataju poslove iz samostalne nadležnosti i poslove prenesene posebnim zakonom. Poslovi iz samostalne nadležnosti Gradske uprave obuhvataju poslove iz oblasti organizovanja rada i upravljanja Gradskom upravom kao i poslove na planu pružanja usluga. Gradska uprava ima pravo da se bavi svim pitanjima od lokalnog interesa koja nisu isključena iz njene nadležnosti niti dodijeljena nekom drugom nivou vlasti. Gradska uprava ostvaruje svoje nadležnosti u skladu sa Ustavom, zakonima i Statutom.

## Učešće građana u kreiranju budžeta :

Građani treba da imaju svoju ulogu u procesu kreiranja budžeta pružajući prijedloge za plan budžeta i pristup informacijama o tome kako se koriste njihova sredstva.



Ukoliko želite biti aktivni građani, onda aktivno učestvujte u njegovom kreiranju. Posebno je važno da budete informirani o procesu predlaganja, usvajanja budžeta Grada Gradačac i učestvujete u njegovom kreiranju.

Ciklus budžeta se sastoji od četiri faze i potrebno je da javnost učestvuje u svakoj od njih. Faze su sljedeće: **priprema nacrt budžeta, usvajanje budžeta, izvršenje budžeta i izveštavanje o izvršenju budžeta.**

# STRUKTURA BUDŽETSKIH PRIHODA GRADA GRADAČAC

## Kako se puni budžet Grada Gradačac ?

Gradsko vijeće Grada Gradačac je na sjednici održanoj 29.12.2022. godine usvojilo **Budžet** za 2023. godinu u iznosu od **22.137.385 KM**.

### Budžet:

Ukupno planirani prihodi u Budžeta za 2023. godinu iznose **17.789.385 KM**.

Ova sredstva obuhvataju prihode od poreza, neporezne prihode, tekuće transfere, kapitalne transfere i kapitalne primitke kao i neutrošena namjenska sredstva iz ranijih godina.

**Porezni prihodi su 9.610.954 KM** i imaju najveće učešće u u budžetu Grada Gradačac.

Prihodi od poreza se dijele na:

- *Porezi na dobit pojedinaca i poduzeća* – 10.000 KM
- *Porezi na plaću i radnu snagu* – 1.000 KM
- *Porezi na imovinu* – 1.085.000 KM
- *Porez na dohodak* – 2.806.187 KM
- *Prihodi od indirektnih poreza (PDV)* – 5.707.767 KM
- *Ostali porezi* – 1.000 KM

**Neporezni prihodi** svake godine čine značajan dio Budžeta, a u Budžetu Grada Gradačac za 2023. godinu planirano je **3.476.799 KM** od neporeznih prihoda.

Neporezni prihodi se dijele na:

- *Prihodi od poduzetničkih aktivnosti i imovine (prihodi od koncesija, patenata i autorskih prava, prihodi od iznajmljivanja, ostali prihodi od nefinansijskih JP (javnih preduzeća) i finansijskih javnih institucija, ostali prihodi od finansijske i nematerijalne imovine)* – 550.600 KM,
- *Administrativne takse* – 270.000 KM,
- *Komunalne naknade i takse* – 530.000 KM,
- *Ostale budžetske naknade i takse (općinske naknade za zemljište i izgradnju, naknada za izgradnju i održavanje javnih skloništa, naknade za zauzimanje javnih površina)* – 770.000 KM,
- *Naknade i takse po federalnim zakonima i dr.propisima (naknade i pristojbe za veterinarske i sanitarne preglede životinja i biljaka, cestovne naknade, posebne naknade za zaštitu od prirodnih i dr.nesreća)* – 1.184.699 KM
- *Neplanirane uplate –prihodi* – 165.000 KM
- *Novčane kazne* – 6.500 KM

**Tekući transferi (transferi i donacije)** su planirani u iznosu od **330.000 KM** i odnose se na primljene tekuće transfere od FBiH, Tuzlanskog kantona i transfere od Izvanbudžetskih fondova za realizaciju projekata.

**Kapitalni transferi iznose 4.371.632 KM.** Ova sredstva imaju namjenski karakter i odobravaju se za realizaciju konkretnih projekata.

Primljeni kapitalni transferi odnose se na implementirane projekte u posmatranom periodu, kao i na projekte čija je realizacija u fazi implementacije.

**Kapitalni transferi od ostalih nivoa vlasti iznose 4.271.632 KM.**

Procjena prihoda po osnovu kapitalnih transfera koji su iskazani u budžetu za 2023. godinu, zasniva se na potpisanim ugovorima sa određenim ministarstvima i fondovima na federalnom i kantonalnom nivou i na osnovu urađenih projekata sa kojima će se u 2023. godini aplicirati za odobravanje sredstava. Radi se uglavnom o sredstvima koja se akumuliraju na višim nivoima vlasti (zaštita okoliša, vodne naknade, naknade od prenamjene poljoprivrednog u građevinsko zemljište) koja se preko ulaganja u projekte komunalne infrastrukture vraćaju lokalnoj zajednici.

**Kapitalni transferi od nevladinih izvora iznose 430.000,00 KM.**

Kapitalni transferi od nevladinih izvora se odnose na izgradnju puteva i izgradnju javne rasvjete.

## **KAPITALNI PRIMICI**



Kapitalni primici su planirani u iznosu od **4.348.000 KM.**

Kapitalni primici od prodaje stalnih sredstava u budžetu učestvuju sa **2.938.000 KM** i uglavnom se odnose na primitke koji se ostvaruju prodajom zemljišta, primitke od prodaje zgrada i stambenih objekata.


Primici od kratkoročnog zaduživanja za 2023. godinu iznose **500.000 KM** i odnose se na **revolving kredit.**

Primici od finansijske imovine se odnose na otplate od pozajmljivanja javnim preduzećima i iznose **910.000 KM.**

**Tabelarni prikaz planiranih prihoda i primitaka za 2023. godinu:**



*Neporezni prihodi*



*Prihodi od poreza*

# RASPODJELA BUDŽETSKIH SREDSTAVA


Budžetska potrošnja je planirana u skladu sa zakonskim nadležnostima i biće definisana Odlukom o izvršenju budžeta Grada Gradačac za 2023. godinu. Ovom Odlukom će biti definisani prioriteti u raspodjeli budžetskih sredstava.

**Planirani tekući izdaci (rashodi) za 2023. godinu su 14.537.953 KM.**

Obim i struktura planiranih tekućih izdataka (rashoda) u 2023. godini :

1. Plaće i naknade troškova zaposlenih,
2. Doprinosi poslodavca i ostali doprinosi,
3. Izdaci za materijal, sitni inventar i usluge,
4. Tekući transferi,
5. Kapitalni transferi,
6. Izdaci za kamate i ostale naknade,
7. Tekuća rezerva budžeta.

## STRUKTURA RASHODA



**Rashodi za lična primanja zaposlenih** - plaće iz redovnog rada i doprinosi na teret zaposlenih iznose **3.473.381 KM**, naknade za prevoz i troškove smještaja i naknade iz radnog odnosa iznose **508.718 KM**.



**Izdaci za materijal, sitni inventar i usluge** (rashodi po osnovu korištenja roba i usluga) su planirani u iznosu od **4.003.663 KM**.

Odnose se na putne troškove, troškove tekućeg održavanja, zakupa, utroška energije, izdataka za komunikaciju i komunalne usluge, nabavku materijala, izdaci za usluge prevoza, izdaci za tekuće održavanje i ugovorene i druge posebne usluge kao što su izdaci za informisanje, zatezne kamate i troškovi spora, izdaci po osnovu dr.samostalnih djelatnosti, izdaci za poreze i doprinose za paušale, komisije i ugovore, ostale nespomenute usluge i dadžbine.

**Najznačajnija izdvajanja odnose se na:**

- *Izdatke za energiju (izdaci za el. energiju-zgrade, izdaci za javnu rasvjetu i izdaci za centralno grijanje) –490.000 KM,*
- *Izdaci za komunikaciju i komunalne usluge – 518.000 KM,*
- *Nabavka materijala i sitnog inventara - 193.500 KM,*
- *Izdaci za tekuće održavanje (materijal i usluge za popravke i održavanje) - 901.300 KM,*
- *Ugovorene i druge posebne usluge (izdaci za informiranje, Usluge za stručno obrazovanje, izdaci po osnovi dr. samostalnih djelatnosti i povremenog rada, izdaci za poreze i doprinose na dohodak, stručne usluge i dr.- 1.618.463 KM.*

**Tekući transferi za 2023. godinu iznose 4.065.960 KM.**

Tekući transferi se odnose na:

- *Tekući transferi drugim razinama vlasti (transfer za kulturu, transfer za sport od značaja za Federaciju, tekući transferi MZ) – 208.000 KM,*
- *Tekući transferi pojedincima (Beneficije za socijalnu zaštitu- jednokratne novčane pomoći, izdaci za raseljene osobe, isplate stipendija, Gradska priznanja, nagrade sportistima i učenicima, izdaci za vojne invalide, ranjene branitelje i obitelji poginulih boraca, ostali transferi pojedincima – 428.000 KM,*
- *Tekući transferi neprofitnim organizacijama (Mjesne zajednice, Centar za kulturu, tekući transferi vjerskim zajednicama, tekući transferi za parlamentarne političke partije, tekući transfer Udrugama građana, Javne ustanove, ostali transferi neprofitnim organizacijama) – 2.984.960 KM*
- *Subvencije javnim poduzećima - 175.000 KM*
- *Subvencije privatnim preduzećima (poticaj za projekte u poljoprivredi) – 200.000 KM,*
- *Drugi tekući rashodi (naknade za povrat više ili pogrešno uplaćenih sredstava) – 70.000 KM.*

**Najznačajnija izdvajanja za tekuće transfere u 2023 godini su planirana za tekuće transfere neprofitnim organizacijama (vjerskim zajednicama, udrugama građana i dr.) u iznosu od 2.984.960 KM.**

## JAVNE USTANOVE

Sredstvima Budžeta Grada Gradačac obezbjeđuju se sredstva za bruto plate i naknade zaposlenima u Javnim ustanovama koja se isplaćuju kroz utvrđenu osnovicu i koeficijente za sve Javne ustanove. Svaka Javna ustanova svojim pravilnikom o radu, polazeći od organizacije rada i poslovanja može uvrstiti elemente za određivanje osnovne plaće i dijela plaće po osnovu ranog učinka.

**Kapitalni transferi** za 2023. godinu iznose **2.044.544 KM** i odnose se na transfere neprofitnim organizacijama, transfere Direkciji cesta BiH, transfere školama i kapitalne transfere privatnim poduzećima i poduzetnicima.

Planirani izdaci za kamate (kamate na pozajmice od domaćih finansijskih institucija) iznose **15.000 KM** (revolving).

## KAPITALNI IZDACI

Kapitalni izdaci su izdaci za nabavu zemljišta, nematerijalne imovine, zaliha, nefinansijske imovine i sl. kod kojih je vijek trajanja duži od jedne godine.

**Planirani kapitalni izdaci za 2023. godinu iznose 7.599.432 KM.**

Odnose se na :

- *Nabavka stalnih sredstava*
- *Izdaci za otplate dugova*
- *Otplate domaćeg pozajmljivanja*

### **Nabavka stalnih sredstava – 6.189.432 KM.**

*Ulaganja u nabavku stalnih sredstava najvećim dijelom čine ulaganja u rekonstrukciju i poboljšanja postojeće komunalne infrastrukture (putevi, industrijska zona, vodoprivredni objekti, uređenje vodotoka i sl.)*

*Ovi projekti se najvećim dijelom finansiraju iz kapitalnih transfera sa viših nivoa (federacija, kanton) i od realizacije tih transfera zavisi i realizacija planiranih projekata.*

- *Za nabavku zemljišta, šuma i zasada planirano je 150.000 KM,*
- *Nabavka građevina (izgradnja azila za napuštene životinje, Vanjska rasvjeta, pločnici i ograde) – 180.000 KM,*
- *Nabavka opreme (kancelarijska, prevozna, elektronska i fotografska)- 351.500 KM,*
- *Nabavka stalnih sredstava u obliku prava – 274.500 KM,*
- *Rekonstrukcija i investiciono održavanje – 5.233.432 KM.*

### **Rekonstrukcija i investiciono održavanje – 5.233.432 KM.**

- **Rekonstrukcija cesta i mostova – 2.195.000 KM :**
- *rekonstrukcija lokalnih puteva – 1.520.000 KM,*
- *saobraćajna infrastruktura u industrijskoj zoni – 570.000 KM,*
- *izgradnja ostale saobraćajne infrastrukture - 25.000 KM,*
- *izgradnja mostova – 80.000 KM.*
- **Rekonstrukcija objekata vezanih za vodovod, kanalizaciju i čvrsti otpad sa planiranim iznosom od 1.185.000 KM se odnosi na :**

- izgradnju kanalizacione mreže u sjevernoistočnom dijelu općine – 307.000 KM,
- izgradnju vodoprivrednih objekata – 878.000 KM
- **Ostala rekonstrukcija i poboljšanje – 1.103.000 KM :**

r.br	Planirano	Iznos
1.	Sanacija klizišta i otkl.posljedice prirod.nepogode	80.000 KM
2.	Obnova i zaštita kule Zmaja od Bosne	708.000 KM
3.	Realizacija projekta utopljanja zgrada	140.000 KM
4.	Izgradnja parking prostora i uređenje zelenih površina	125.000 KM
5.	Izgradnja igrališta	50.000 KM

- **Rekonstrukcija zgrada – 750.432 KM.**

#### Izdaci za otplate dugova

U ovom dijelu su također prikazani i izdaci za otplate dugova koji se odnose na otplate direktnih ino obaveza FBiH u iznosu od 910.000 KM i povrat kratkoročnog revolving kredita u iznosu od 500.000,00 KM.



## UNDP

*Publikacija je objavljena u okviru Projekta općinskog okolišnog i ekonomskog upravljanja (MEG) kojeg podržava i finansira Vlada Švicarske, a provodi Razvojni program Ujedinjenih nacija (UNDP) u BiH. Sadržaj ove publikacije, kao i nalazi prikazani u njoj, ne odražavaju nužno stavove Vlade Švicarske niti UNDP-a.*

**KONTAKT: GRAD GRADAČAC**  
**GRADSKA SLUŽBA ZA FINANSIJE, JAVNE NABAVKE**  
**INFORMATIKU I ZAJEDNIČKE POSLOVE**  
*Husein-kapetana Gradaševića 54, 76250 Gradačac*  
**Kontakt osoba: Iskrić Elmir**  
*Viši stručni saradnik za izvršenje budžeta.*  
**Telefon: 035/369-750, lok 123**  
**Email: elmir.iskric@gradacac.ba**